

【经文信息】大正藏第 15 册 No. 0599

## 佛为海龙王说法印经 1 卷

No. 599

### 佛为海龙王说法印经

大唐三藏法师义净奉 诏译

如是我闻：

一时薄伽梵在海龙王宫，与大苾刍众千二百五十人俱，并与众多菩萨摩訶萨俱。

尔时娑竭罗龙王即从座起，前礼佛足，白言：「世尊！颇有受持少法，得福多不？」

佛告海龙王：「有四殊胜法，若有受持、读诵、解了其义，用功虽少，获福甚多，即与读诵八万四千法藏功德无异。云何为四？所谓念诵诸行无常、一切皆苦、诸法无我、寂灭为乐。龙王当知！是谓四殊胜法，菩萨摩訶萨无尽法智，早证无生，速至圆寂，是故汝等常应念诵。」

尔时世尊说是四句法印经时，彼诸声闻、大菩萨众，及天龙八部、阿苏罗、捷达婆等，闻佛所说，皆大欢喜，信受奉行。

### 佛为海龙王说法印经

---

【经文信息】大正藏第 15 册 No. 0599 佛为海龙王说法印经

【版本记录】CBETA 电子佛典 Rev. 1.9 (Big5)，完成日期：2009/04/23

【编辑说明】本数据库由中华电子佛典协会（CBETA）依大正藏所编辑

【原始数据】萧镇国大德提供，日本 SAT 组织提供，北美某大德提供，三宝弟子提供新式标点

【其他事项】本数据库可自由免费流通，详细内容请参阅【[中华电子佛典协会数据库版权宣告](#)】

---